



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

8 DISEMBER 2021 (RABU)



KEMENTERIAN PERDAGANGAN DALAM NEGERI
DAN HAL EHRAL PENGOLINA

KERATAN AKHBAR DAN MEDIA ONLINE (KPDNHEP)

8 DISEMBER 2021 (RABU)

Langkah drastik atasi kenaikan, stabilkan harga barang

Skim harga dilancar

Oleh **ALYA AFIAH**
ACHMAD TARMIZI
utusannews@media.mula.com.my

GOMBAK: Kerajaan melaksanakan skim harga berkuat kuasa semalam sehingga 31 Disember ini sebagai langkah drastik me-

ngatasi isu kenaikan dan menstabilkan harga barangan keperluan asas pada masa ini.

Skim harga baharu tersebut meliputi 12 jenis barangan keperluan asas berkuat kuasa di peringkat ladang sehinggalah ke pemborong yang tertakluk de-

ngan rantai pembekalan.

Pengarah Penguatkuasa, Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, kegagalan mematuhi skim tersebut boleh menyebabkan pengeluaran, pemborong, pe-

ngedar dan penjual dikenakan tindakan tegas.

Katanya, skim harga berkenaan dilancarkan untuk mengatasi kenaikan harga barangan dan pihak kementerian telah memilih 12 jenis barangan antaranya barangan basah seperti ayam, telur

ayam dan sayur-sayuran.

"Senarai barang yang dipilih adalah pilihan bagi golongan B40 dan M40 yang berpotensi untuk naik lagi harganya, jika tiada pemantauan dari kerajaan.

Bersambung di muka 12

Skim harga dilancar

Dari muka 1

"Skim Harga Maksimum Keluarga Malaysia (SHMKM) sebagai langkah menstabilkan harga barangan keperluan di samping memastikan keberadaan bekalan di pasaran," katanya.

Beliau sebelum itu melakukan tinjauan harga di pasar Taman Sri Gombak, di sini.

Melalui skim harga baharu itu, tiga kategori ayam, iaitu ayam hidup berharga RM6.20 di ladang dan RM6.70 harga borong. Harga ayam standard (disembelih dan dibersihkan beserta kaki, kepala, hati dan hempedal atau mana-mana bahagian) RM8.00 di pasar borong dan RM9.30 di pasar runcit. Sementara itu, harga ayam super (disembelih dan dibersihkan tanpa kaki, kepala, hati dan hempedal) di pasar borong berharga RM9.30 dan RM10.30 di pasar runcit.

Harga sebiji telur yang terdiri gred A, harga ladang 40 sen, harga borong 42 sen dan harga runcit 44 sen.

SKIM HARGA MAKSIMUM KELUARGA MALAYSIA (SHMKM)

KATEGORI	LADANG	BORONG	RUNCIT
Ayam (sekilo)			
Ayam Hidup	RM6.20	RM6.70	
Ayam Standard	RM8.00	RM9.30	
Ayam Super	RM9.30	RM10.30	
Telur Ayam (sebiji)			
Telur Ayam Gred A	RM0.40	RM0.42	RM0.44
Telur Ayam Gred B	RM0.38	RM0.40	RM0.42
Telur Ayam Gred C	RM0.36	RM0.38	RM0.40
Sayur-sayuran (sekilo)			
Cili Merah	RM15.00	RM17.00	
Tomato	RM4.50	RM5.50	
Sawi Hijau	RM6.00	RM7.00	
Kubis Bulat Import (Indonesia & China kecuali Beijing)	RM3.50	RM4.50	
Kacang Panjang	RM6.00	RM7.00	
Timun	RM3.50	RM4.50	

Telur Gred B pula, harga ladang adalah 38 sen, harga borong 40 sen dan harga runcit 42

sen manakala Gred C pula harga ladang adalah 36 sen, harga borong 38 sen dan harga runcit

40 sen.

"Harga sayur-sayuran pula, bagi sekilo kacang panjang bernilai RM6 di pasar borong dan RM7 di pasar runcit. Harga Cili Merah sekilo adalah RM15 di pasar borong dan RM17 di pasar runcit.

"Harga Tomato bernilai RM4.50 sekilo di pasar borong dan RM5.50 sekilo di pasar runcit. Sekilo Sawi Hijau pula berharga RM6 di pasar borong dan RM7 di pasar runcit.

"Harga Timun dan Kubis Bulat Import (Indonesia dan China tidak termasuk Beijing) di pasar borong berharga RM3.50 sekilo dan RM4.50 sekilo di pasar runcit," ujarnya.

Jelasnya, senarai barang yang telah dipilih adalah pilihan barangan ramai bagi golongan B40 dan M40 dan juga berpotensi untuk naik lagi harganya, jika tiada pemantauan dari kerajaan.

"Dari tinjauan hari ini, kami dapati maklumat dari peniaga-peniaga, harga telah turun, dari peringkat pembekal juga telah turun. Ini membolehkan

peniaga-peniaga menjual barangan tersebut dengan harga kita tetapkan.

"Skim ini dilaksanakan atas semua peringkat. Berkuatkuasa di peringkat ladang dan di peringkat pemborong perlu mengikut skim ini, jadi semua pihak dalam rantaian pembekalan tertakluk dalam skim harga ini," ujarnya.

Tambahan Azman, beliau menggalakkan rakyat, pengguna dan peniaga membuat aduan kepada KPDNHEP agar boleh membantu dan menyiasat isu tersebut secepat mungkin, juga sertakan sekali maklumat yang tepat bersama aduan tersebut.

Terdahulu akhbar ini melaporkan, seluruh negara menyaksikan peningkatan harga barangan keperluan harian, peralatan binaan, input pertanian dan makanan daripada sekecil-kecil sebiji burger sehingga kabel pendawaian elektrik yang memberi kesan kepada pelbagai pihak di peringkat pembekal, kontraktor, peniaga serta pengguna.



Skim Harga Maksimum Keluarga Malaysia (SHMKM) berkuat kuasa

Pengarah Penguat Kuasa KPDNHEP Selangor, Azman Adam (kiri) membuat pemantauan harga ayam yang termasuk dalam 12 senarai Skim Harga Maksimum Keluarga Malaysia di Pasar Taman Seri Gombak, Batu Caves, semalam. **Nasional 16** (Foto Fariz Iswadi Ismail/ BH)

Manipulasi orang tengah punca harga hasil pertanian melambung

Oleh Ilah Hafiz Aziz
illahhafiz.abdulaziz@bh.com.my

Kuala Lumpur: Kementerian Pertanian dan Industri Makanan (MAFI) mendedahkan peningkatan harga hasil pertanian dan penternakan di pasaran kebelakangan ini adalah disebabkan manipulasi harga sesetengah orang tengah yang tidak bertanggungjawab.

Menterinya, Datuk Seri Dr Ronald Kiandee, berkata biarpun sektor pengeluaran dalam industri pertanian mengalami peningkatan sehingga 30 peratus, manipulasi orang tengah dalam rantai pemasaran menyebabkan harga di pasaran menjadi terlalu tinggi.

"Keadaan ini mengakibatkan pengguna menerima kesan apabila harga yang sam-

pai kepada mereka meningkat melebihi 100 peratus.

"Sememangnya antara cabaran dalam industri pertanian dan penternakan hari ini antara lain adalah disebabkan kecenderungan orang tengah yang memanipulasi harga dan peranan mereka dalam semua subsektor.

Nasional 16

Skim Harga Maksimum Keluarga Malaysia

Laksana SHMKM stabil harga barang

Senarai barang
akan dikaji,
ditambah ikut
situasi pasaran

Oleh Ruwaida Md Zain
bhnews@bh.com.my

Gombak: Kementerian Perdagangan Dalam Negeri dan Hal Ehwal Pengguna (KPDNHEP) melaksanakan Skim Harga Maksimum Keluarga Malaysia (SHMKM) sebagai langkah menstabilkan harga barangan keperluan semasa dan memastikan keberadaan bekalan di pasaran.

Pengarah Bahagian Penguat Kuasa KPDNHEP, Azman Adam, berkata skim itu berkuat kuasa mulai semalam hingga 31 Disember ini, membabitkan kawalan harga ke atas barangan seperti ayam, telur ayam dan beberapa jenis sayur-sayuran.

"Barangan terbabit adalah ayam hidup, ayam standard, ayam super, telur ayam gred A, telur ayam gred B, telur ayam gred C.

"Turut tersenarai kacang panjang, cili merah, tomato, sawi hijau, kubis bulat import (Indonesia dan China tidak termasuk Beijing) dan timun," katanya.

Beliau berkata demikian ditemui selepas memantau pelaksanaan hari pertama SHMKM di



Azman (dua dari kanan) membuat pemantauan Skim Harga Maksimum Keluarga Malaysia di Pasar Taman Sri Gombak. (Foto Fariz Iswadi Ismail/BH)

Pasar Sri Gombak, semalam.

Azman berkata, senarai barangan akan dikaji secara berterusan dan ditambah atau digugurkan berdasarkan penilaian situasi pasaran.

"Semua pihak di seluruh rantau bekalan dari kalangan pengeluar, pemborong, pengedar dan penjual dinasihat serta diberi amaran mengenai tindakan tegas atas kegagalan mematuhi skim ini dan bagi barang keperluan pengguna lain.

"Penguat kuasa KPDNHEP akan berada di lokasi yang menjadi tumpuan orang ramai membeli-belah seperti pasar awam, pasar tani dan pasar raya untuk menjalankan pemeriksaan dan pemantauan.

"Langkah ini mencerminkan usaha berterusan bagi melindungi

ngi pengguna daripada aktiviti pengambilan keuntungan berlebihan oleh peniaga tidak beretika," katanya.

Pada masa sama, katanya, tindakan tegas akan diambil terhadap peniaga yang gagal mematuhi peraturan mengikut SHMKM dan akan dikenakan tindakan mengikut Akta Kawalan Harga dan Antipencatutan (AKHAP) 2011.

Azman berkata, KPDNHEP turut meningkatkan pemantauan harga melalui pegawai pemantau harga yang menjalankan pemantauan harga barangan keperluan asas di seluruh negara.

Katanya, pelbagai medium penyaluran aduan disediakan bagi memudahkan rakyat mengemukakan aduan berkaitan isu harga.



AZMAN (tiga dari kanan) membuat pemantauan Skim harga maksimum keluarga Malaysia di Pasar Taman Sri Gombak. Turut sama Timbalan Pengarah Operasi KPDNHEP Selangor, Shamsul Nizar Khalil (kanan) dan Pengarah KPDNHEP Selangor, Muhamad Zikril Azan Abdullah (dua dari kanan). - Gambar NSTP/ FARIZ ISWADI ISMAIL.

12 barang disenarai SHMKM berpotensi naik harga

Gombak: Sebanyak 12 barang yang disenarai dalam Skim Harga Maksimum Keluarga Malaysia (SHMKM) adalah berpotensi berlaku kenaikan harga.

Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, diseb-

abkan itu semua harga barangan berkenaan disenaraikan dan dikawal menerusi SHMKM.

"Antara barangan yang tersenarai di dalam SHMKM ialah tiga jenis ayam, tiga jenis telur ayam, kacang panjang, cili merah, tomato, sawi hijau, kubis bulat import dan timun.

"Senarai barangan akan dikaji secara berterusan dan akan ditambah atau digurkan berdasarkan penilaian situasi pasaran.

"Semua pihak di seluruh rantaian bekalan dari kalangan pengeluar, pemborong, pengedar dan penjual dinasihatkan mematuhi skim yang dilaksana-

kan ini," katanya ketika ditemui selepas memantau hari pertama SHMKM di Pasar Sri Gombak, semalam.

SHMKM berkuat kuasa semalam hingga 31 Disember bagi mengawal dan menstabilkan harga barangan keperluan yang disenaraikan.

Petani diminta manfaat teknologi tingkatkan hasil

Dari Muka 1

"Kita lihat ada peningkatan harga antara 20 hingga 30 peratus dalam sektor pengeluaran tetapi harga di pasaran meningkat melebihi 100 peratus."

"Ini bermakna terdapat unsur rantai pemasaran yang dimanipulasi oleh pihak tertentu," katanya.

Beliau berkata demikian selepas merasmikan mesyuarat agung tahunan Persatuan Nelayan Kebangsaan (NEKMAT) ke-36, di sini, semalam.

Turut hadir, Timbalan Menteri 1 MAFI, Datuk Seri Ahmad Hamzah; Ketua Setiausaha MAFI, Datuk Haslina Abdul Hamid dan Pengerusi Lembaga Pengarah NEKMAT, Abdul Hamid Bahari.

Ronald berkata, menangani isu orang tengah bukan sesuatu perkara yang mudah kerana ia telah dibangkitkan sejak sekian lama.

"Ia sudah lama berlaku, malah dalam pengajian pentadbiran perniagaan, isu orang tengah ini sering dibangkitkan dalam aspek pemasaran."

"Bukan sesuatu yang mudah untuk kementerian menangani peranan orang tengah yang memanipulasi harga ini, tetapi kita mempunyai pelbagai inisiatif antaranya menerusi pemasaran secara 'e-dagang'."

"Kami meminta setiap petani atau penternak bersedia dengan konsep pemasaran sebe-

gini, yang dilihat berpotensi untuk membantu industri pertanian negara," katanya.

Negara kini berdepan dengan isu kenaikan harga barangan keperluan termasuk makanan seperti harga ayam dan sayur sehingga menimbulkan kekusaran rakyat.

Ia diakui sendiri Perdana Menteri, Datuk Seri Ismail Sabri Yaakob yang berkata, kerajaan berusaha mengatasinya dengan melaksanakan beberapa langkah jangka pendek dan panjang, antaranya mengimport ayam serta ikan beku dari luar negara serta melancarkan Jualan Keluarga Malaysia.

Sehubungan itu, Perdana Menteri pada Rabu lalu juga mengarahkan Kementerian Dalam Negeri dan Hal Ehwal Pengguna (KPDNHEP) melakukan penguatkuasaan tegas tanpa kompromi terhadap pihak yang memanipulasi harga bahan makanan.

Sementara itu, Roland menggesa orang ramai khususnya petani tempatan memaksimumkan penggunaan teknologi untuk meningkatkan hasil pengeluaran.

Katanya, pertanian pintar adalah antara penggunaan teknologi yang boleh dikembangkan kerana ia boleh meningkatkan hasil pengeluaran serta mengurangkan kos.

"Ia perlu menjadi aspirasi untuk semua, petani seperti mengendalikan pertanian menerusi aplikasi sahaja," katanya.

NACCOL perinci langkah bantu rakyat

**Inisiatif
bersepadu
tangani, kawal isu
kenaikan harga
barang keperluan**

Oleh Mohd Nasaruddin Parzi
bhnews@bh.com.my

Kuala Lumpur: Majlis Tindakan Sara Hidup Negara (NACCOL) akan bersidang esok bagi memperincikan langkah menyeluruh dan bersepadu dalam usaha kerajaan menangani serta mengawal kenaikan harga barang keperluan dan kos sara hidup rakyat.

Menteri di Jabatan Perdana Menteri (Ekonomi), Datuk Seri Mustapa Mohamed, berkata mesyuarat berkenaan akan dipengerusikan Perdana Menteri, Datuk

Seri Ismail Sabri Yaakob.

"Tindakan jangka sederhana dan panjang akan dibentangkan oleh Kementerian-kementerian yang berkenaan pada mesyuarat itu.

"Antara perkara akan dibincangkan ialah pergantungan kepada import, kos input makanan, isu buruh asing, skim subsidi, geran dan pinjaman mudah, teknologi pertanian serta penyelidikan dan pembangunan (R&D)," katanya ketika menjawab soalan Datuk Seri Anwar Ibrahim (PH-Port Dickson) pada Waktu Pertanyaan Menteri di Dewan Rakyat, semalam.

Menjawab soalan tambahan Anwar mengenai kelewatan mesyuarat itu diadakan, Mustapa menjelaskan, kerajaan sudah mengambil tindakan segera melalui Kementerian Perdagangan Dalam Negeri dan Hal Ehwal Pengguna (KPDNHEP) serta Kementerian Pertanian dan Industri Makanan (MAFI) bagi menstabilkan harga barang keperluan.



Kerajaan menyedari kenaikan harga barang keperluan adalah masalah besar yang dihadapi rakyat dan tindakan segera perlu diambil untuk mengawalinya. (Foto hiasan)

"Tahun lalu, mesyuarat jawatankuasa (untuk menangani) kenaikan harga barang yang dipengerusikan oleh Menteri KPDNHEP telah diadakan sebanyak dua kali. Tahun ini, sudah tiga kali mesyuarat diadakan menteri berkenaan yang khusus berhubung kenaikan harga ini, selain MAFI dan kementerian lain.

"Saya ingin menjelaskan bahawa perkara yang dibawa Ketua Pembangkang (Anwar) itu, kita sedia maklum dan Jabatan Perangkaan Malaysia juga memantau sekarang. Jika dulu, dua kali sebulan dipantau harga sayur-sayuran, sekarang setiap hari dipantau oleh Jabatan Perangkaan. Kira-kira 30, 40 jenis sayur-sayuran dipantau seperti cili dan sebagainya," katanya.

Beliau berkata, kerajaan me-

nyedari kenaikan harga barang keperluan adalah masalah besar yang sedang dihadapi oleh rakyat dan tindakan segera perlu diambil untuk mengawalinya.

"Sebab itulah dalam setiap mesyuarat Jemaah Menteri, selalu ditekankan mengenai perkara ini. Walaupun belum dipanggil lagi mesyuarat (NACCOL dan Jawatankuasa Khas Kabinet), mesyuarat Jemaah Menteri sudah mengarahkan segala usaha dan tenaga oleh semua kementerian serta agensi bagi memastikan kenaikan harga ini dapat dikawal," katanya.

Terdahulu, Anwar ketika mengemukakan soalan tambahannya mempersoalkan kelewatan kerajaan memanggil mesyuarat NACCOL dan Jawatankuasa Khas Kabinet, ketika peniaga serta rakyat terus ter-

beban dengan kesan kenaikan harga barang keperluan.

Ketika menjawab soalan asal Anwar pula, Mustapa memaklumkan pada minggu lalu, Perdana Menteri sudah mengumumkan kebenaran untuk mengimport ayam bulat bersifat sementara untuk menampung kekurangan bekalan ayam dalam pasaran, selain peruntukan RM262 juta bagi membantu pedagang dan petani yang terjejas akibat kenaikan harga baja serta racun.

"Melalui Bajet 2022, kerajaan sudah memperuntukkan RM31 bilion dalam bentuk subsidi, bantuan dan insentif, termasuklah pemberian subsidi petrol RON95 dan diesel, serta minyak masak dan tepung.

"Sebagai contoh, Bajet 2022 memperuntukkan RM200 juta bagi membantu mengurangkan harga barang keperluan penduduk luar bandar dan RM400 juta untuk menstabilkan harga minyak masak," katanya.



Mustapa Mohamed



ADNAN (kanan) membuat pemeriksaan harga barangan keperluan di Pusat Transformasi Luar Bandar (RTC) Tunjong, Kota Bharu, semalam.

Harga ayam turun bawah RM9 sekilogram

Kota Bharu: Harga barangan keperluan seperti barangan basah termasuk sayur-sayuran dan ayam di Kelantan mula menunjukkan trend penurunan.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) negeri, Adnan Abd Rahman berkata, jika tiga minggu lalu harga ayam dijual melebihi RM9 hingga RM10 sekilogram, namun sejak beberapa hari lalu harga turun di bawah paras RM9 sekilogram.

Beliau berkata, pemantauan pihaknya mendapati harga sayur-sayuran di negeri itu turun hasil daripada penguatkuasaan pihak kerajaan.

"Kami mendapati peniaga terutama di pasar basah di

negeri ini menjual mengikut harga ditetapkan.

"Contohnya ayam, hasil pemantauan mendapati harganya sudah turun di bawah RM9, malah ada menjual dengan harga RM8 ke bawah," katanya.

Beliau berkata demikian ketika ditemui pada program Walkabout Skim Harga Maksimum Musim Keluar-ga Malaysia KPDNHEP Negeri Kelantan di Pusat Transformasi Luar Bandar (RTC) Tunjong, di sini, semalam.

Beliau berkata, kawalan harga membabitkan 12 barangan ditetapkan harga siling termasuk ayam, telur ayam dan beberapa jenis sayur-sayuran berkuat kuasa mulai 7 hingga 31 Disember ini.

KPDNHEP Kelantan rampas 4,573kg minyak masak bersubsidi

Kota Bharu: Kementerian Perdagangan Dalam Negeri dan Hal Ehwal Pengguna (KPDNHEP) negeri bersama Pasukan Gerakan Am (PGA) merampas 4,573 kilogram (kg) minyak masak bersubsidi bernilai lebih RM11,000 dalam tiga serbuan sepanjang minggu ini.

Pengarah KPDNHEP Kelantan, Adnan Abd Rahman berkata, rampasan itu dilakukan di sekitar Tumpat, Machang dan yang terbaru di Kampung Bukit Nangka, Bukit Bunga, Tanah Merah, kelmarin, berikutan ia cuba diseludup ke negara jiran.

"Dalam operasi itu, kami merampas 1,700kg minyak masak, 120 liter minyak petrol dan sebuah kereta Proton Wira dengan nilai keseluruhan RM7,500.

"Kami tidak akan berkompromi dengan individu atau peniaga apabila kerap

menjalankan operasi untuk mencegah aktiviti penyeludupan serta tidak bermoral.

"Tindakan tegas termasuk denda tinggi seterusnya dituduh di mahkamah akan diambil," katanya.

Beliau berkata demikian ketika ditemui pada program Walkabout Skim Harga Maksimum Musim Keluar-ga Malaysia KPDNHEP Negeri Kelantan di Pusat Transformasi Luar Bandar (RTC) Tunjong, di sini, semalam.

Adnan berkata, selain minyak masak, penyeludupan kerap berlaku terhadap minyak petrol.

Beliau berkata, dalam tempoh Januari hingga November tahun ini, sebanyak 65,849 premis termasuk pasar basah dan pasar tani di seluruh Kelantan diperiksa membabitkan 46,177 premis di bandar serta 19,672 lagi di luar bandar.



Adnan (kanan) bertanya sesuatu kepada peniaga ayam ketika Program Walkabout Skim Harga Maksimum Keluarga Malaysia di Pusat Transformasi Luar Bandar (RTC), Tunjong, Kota Bharu pada Selasa.

Pembekal dan peniaga ayam beri alasan dedak naik harga

KOTA BHARU - Harga dedak naik merupakan alasan paling banyak diterima Kementerian Perdagangan Dalam Negeri Hal Ehwal Pengguna (KPDNHEP) Kelantan daripada pembekal dan peniaga ayam mentah di negeri ini.

Pengarah KPDNHEP Kelantan, Adnan Abd Rahman berkata, pembekal dan peniaga mendakwa menerima bekalan ayam dengan harga lebih tinggi berbanding sebelum ini.

“Peniaga menerima bekalan ayam daripada pembekal dengan modal yang lebih tinggi berbanding harga biasa.

“Mereka memberikan alasan bahawa harga dedak naik menyebabkan harga ayam juga naik sehingga mencecah RM9 se-kilogram atau lebih tinggi,” katanya pada sidang akhbar di Pusat Transformasi Luar Bandar (RTC) Tunjong di sini pada Selasa.

Beliau berkata demikian se-

lepas menghadiri Program Walkabout Skim Harga Maksimum Keluarga Malaysia bagi memantau harga maksimum barang terpilih.

Sementara itu, Adnan berkata, setakat ini belum ada sebarang kompaun dikeluarkan kepada peniaga atau pembekal berkaitan isu kenaikan harga ayam.

Bagaimanapun pihaknya tidak akan berkompromi dengan isu tersebut dan akan meneruskan penguatkuasaan.

Rakyat tak mahu dibeli tetapi dibela



MAAF
CAKAP
NORDEN MOHAMED

Program Jualan Keluarga Malaysia (PJKM) yang dilancarkan baru-baru ini adalah satu rancangan yang amat wajar bagi menangani kenaikan harga barang. Ia mendapat respons amat positif dalam kalangan rakyat.

Setelah kerajaan berhempas pulas dengan tanggungjawab menjaga nyawa warganya menangani pandemik Covid-19, kini pemerintah mengorak langkah memberi kelegaan kepada rakyat untuk terus hidup dalam erti kata sebenarnya.

Jika sebelum ini, golongan *frontliners* yang menangani pandemik terdiri daripada keseluruhan warga Kementerian Kesihatan Malaysia (KKM), Polis Diraja Malaysia (PDRM), bomba dan Jabatan Sukarelawan Malaysia (Rela), bagi PJKM pula ia merangkumi lebih banyak

agensi kerajaan.

Kementerian Pertanian dan Industri Makanan (MAFI), Kementerian Perdagangan Dalam Negeri dan Hal Ehwal Pengguna (KPDNHEP), Kementerian Pengangkutan serta Kementerian Kewangan terlibat sama dengan agensi-agensi di bawah kementerian masing-masing.

Menurut Perdana Menteri, Datuk Seri Ismail Sabri Yaakob, kempen jualan murah yang bermula pada Sabtu lalu menawarkan harga antara 20 hingga 50 peratus lebih rendah daripada harga pasaran.

Kawasan menjadi sasaran adalah lokasi yang terdapat ramai golongan B40 dan M40. Masing-masing memuji program berkenaan kerana ia memberi kelegaan kepada rakyat mendapatkan bekalan keperluan makanan dengan harga amat berpatutan.

Perdana Menteri merancang agar kesemua 222 kawasan Parlimen melancarkan PJKM, namun hanya 13 lokasi yang dapat memulakan program tersebut pada tarikh pelancaran.

Sebenarnya, inilah program yang harus dipikul oleh wakil-wakil rakyat ke-

rana ia memenuhi keperluan penduduk di kawasan mereka. Ketika ini rakyat bukan mahukan jalan bertar, jambatan konkrit, lampu jalan, masjid, sekolah dan balai raya, sebaliknya keutamaan mereka adalah untuk mendapatkan bantuan keperluan hidup.

Inilah juga peluang Ahli Dewan Undangan Negeri (ADUN) dari ahli-ahli Parlimen untuk secara langsung berkhidmat kepada rakyat.

Seandainya pihak pemerintah lambat menyediakan tapak PJKM, merekalah yang seharusnya mengambil jalan proaktif menggembelng pasukan gerak kerja, berhubung dengan agensi-agensi MAFI, pemborong tempatan, golongan petani dan penternak dalam usaha bersepadu untuk rakyat di kawasan mereka.

Kesegeraan pelaksanaan perlu dilakukan. Rakyat patut lekas dibantu. Dan, pilihan raya juga semakin dekat. Kesan *mileage* politik mereka sememangnya menjangkau jauh dan meluas.

Ahli-ahli Parlimen dan ADUN akan dapat berhubung dengan jaringan pemain ekonomi tempatan serta jiwa dan raga rakyat di kawasan mereka.

Modal diperlukan untuk program se-

perti ini pun jauh lebih rendah berbanding cara menabur bantuan wang ringgit kepada pelbagai individu dan kumpulan yang selama ini menjadi beban tanggungjawab wakil-wakil rakyat. Ia akan menggembirakan rakyat apabila dapur mereka terus berasap.

PJKM dirancang untuk terus diadakan selagi harga barangan perlu tidak diturunkan. Jadi, program berkenaan akan menjadi program yang panjang.

Rakyat tidak perlukan sekampit beras setiap kali menjelang pilihan raya tetapi perlukan harga beras lebih murah agar mereka sendiri dapat membeli berkampit-kampit beras.

Memikat hati rakyat 'secara plastik' melalui wayang pacak, pementasan, konsert dan segala rupa pelancaran kempen sudah tidak praktikal lagi. Rakyat tidak boleh digula-gula. Tetapi mereka akan memberikan 'senyuman bergula' kepada pemerintah seandainya pihak berwajib membantu agar hidangan sentiasa ada di meja kediaman mereka.

Rakyat tidak mahu lagi dibeli, sebaliknya dibela.

* Norden Mohamed ialah mantan Ketua Pengarang Sinar Harian

Program Jualan Keluarga Malaysia tarik 28,985 pengunjung

SHAH ALAM - Program Jualan Keluarga Malaysia (PJKM) mendapat sambutan menggalakkan apabila menerima kunjungan seramai 28,985 orang dan mencecah jualan lebih RM423,000 bagi sesi pertama bermula pada Sabtu dan Ahad.

Program jualan barangan keperluan itu diadakan serentak di Pahang, Terengganu, Kelantan, Selangor, Negeri Sembilan, Melaka, Johor, Sabah, Sarawak, Labuan, Kedah, Pulau Pinang

dan Perak.

Menurut Pengarah Kanan Sektor Perdagangan Pengedaran Perniagaan Kementerian Perdagangan Dalam Negeri Dan Hal Ehwal Pengguna (KPDNHEP), Shamsuzaman Sulaiman, antara barangan yang mendapat permintaan tinggi dan habis dijual ialah ayam, telur, ikan dan minyak masak.

Selain itu, jelas beliau, turut



SHAMSUZAMAN

laris dijual ialah barangan keperluan harian lain seperti sayur-sayuran, beras, gula dan tepung.

"Susulan harga barang mentah serta barang keperluan asas dijual jauh lebih murah berbanding harga pasaran terkini, ia mendapat sambutan menggalakkan daripada masyarakat di seluruh negara.

"Sesi pertama berlangsung pada Sabtu serta Ahad dan kita

menerima kunjungan seramai 28,985 orang, malah jualan turut mencecah lebih RM423,000 dalam masa dua hari," katanya ketika dihubungi *Sinar Harian* pada Selasa.

PJKM dilaksanakan dengan usaha pelbagai agensi kerajaan seperti KPDNHEP negeri, Lembaga Pemasaran Pertanian Persekutuan (FAMA) dan Lembaga Kemajuan Ikan Malaysia (LKIM).

Turut serta ialah Persatuan Nelayan Kebangsaan (Nekmat), Lembaga Pertubuhan Peladang (LPP), Pertubuhan Peladang

Kebangsaan (Nafas) dan pemain industri peruncitan.

Pelaksanaan PJKM ini juga bertujuan untuk mencari penyelesaian terhadap situasi kenaikan harga barangan ketika ini di samping membantu meringankan kos sara hidup rakyat.

Bagi pelaksanaan PJKM seterusnya, Shamsuzaman berkata, pihaknya sedang mengenal pasti lokasi berseesuaian untuk dimuktamadkan dengan mengambil kira maklum balas daripada pengunjung.



CADANGAN harga siling ayam di peringkat pemborong dan pembekal dibuat dengan mengambil kira upah dan kos pembungkusan. - GAMBAR HIASAN

Langkah elak pemborong terus tanggung rugi

Tetapkan harga siling RM8.30 sekilogram

Oleh MUHAMMAD ZIKRI

PONTIAN - Pemborong dan pembekal ayam meminta kerajaan menetapkan harga siling ayam RM8.30 sekilogram berbanding RM8 ketika ini bagi mengelak daripada mereka terus menanggung kerugian.

Dengan penetapan harga itu, pemborong mendapat keuntungan RM1.30 sekilogram memandangkan berat seekor ayam yang diproses akan mengalami penurunan sebanyak 350 gram.

Menurut Pengarah Urusan NB Poultry Processing Industries Sdn. Bhd. Baharudin Ahmad, upah memproses ayam adalah 60 sen seekor dan kos pembungkusan sebanyak 40 sen.

Katanya, pihak berkuasa seolah-olah terlepas pandang mengenai kos penghantaran kerana pemborong atau pembekal perlu

mengeluarkan belanja bagi kos petrol selain upah pemandu.

Sekiranya kerajaan mengambil perkiraan itu, rangkaian yang terlibat termasuk pusat penyembelihan tidak akan terbeban.

"Langkah membawa masuk ayam dari luar negara perlu dikaji semula kerana industri ternakan ayam perlu diberikan peluang bersuara bukan tekanan jika berlaku kenaikan harga di pasaran.

"Pemborong minta perkiraan kos yang betul, kami bukan memikirkan untung semata-mata, cukuplah kos yang dikeluarkan dapat pulangan," katanya.

Baharuddin mengulas mengenai langkah Kementerian Pertanian dan Industri Makanan (MAFI) untuk mengimport ayam sejuk beku bagi menstabilkan harga ayam di pasaran.

Tambah Baharuddin, langkah yang diambil itu bukan jalan pe-

nyelesaian terbaik kerana isu utama seperti dedak dan harga anak ayam masih gagal ditangani secara berkesan.

"Tindakan mengimport ayam dikhuatiri akan menyebabkan pusat penyembelihan berskala kecil terpaksa ditutup. Saya harap Kementerian Perdagangan Dalam Negeri dan Hal Pengguna dan MAFI dapat duduk semeja berbincang masalah ini," ujarnya.

Sementara itu, Pengurus Azmi Fresh Chicken Sdn. Bhd. Mohd. Azmi Abdullah meminta kerajaan menubuhkan perbadanan bagi mengawal harga dedak.

Kata beliau, selagi isu dedak masih membelenggu penternak, kenaikan harga terus berlaku.

"Sebagai pemborong, tidak adil kerajaan tetapkan harga siling RM8 sekilogram kerana banyak lagi kos lain perlu ditanggung," katanya.

Amaran peniaga ayam enggan patuhi harga kawalan

KOTA BHARU – Kenaikan harga dedak merupakan antara alasan popular yang diberikan oleh peniaga untuk menaikkan harga ayam di pasaran.

Pengarah Kementerian Perdagangan Dalam Negeri Hal Ehwal Pengguna (KPDNHEP) Kelantan, Adnan Abd. Rahman berkata, pemeriksaan mendapati keba-

nyakan peniaga yang mendapatkan bekalan daripada pemborong mengadu mengenai perkara tersebut.

"Peniaga ayam mendapatkan bekalan daripada pembekal dan peruncit pada harga yang lebih tinggi berbanding biasa.

"Ekoran keadaan itu, peniaga tidak mempunyai pilihan melain-

kan terpaksa menaikkan harga ayam sehingga RM9 sekilogram, malah ada juga (menjualnya) yang lebih tinggi daripada harga tersebut," katanya.

Bellau berkata demikian pada sidang akhbar selepas menghadiri Walkabout Skim Harga Maksimum Keluarga Malaysia di Pusat Transformasi Luar Bandar

Tunjong di sini semalam.

Mengulas lanjut, Adnan memberitahu, peniaga yang masih berdegil dan menaikkan harga ayam termasuk barangan kawalan tanpa sebab munasabah akan dikenakan kompaun.

Namun setakat ini tiada lagi kompaun dikeluarkan ke atas peniaga di negeri kerana menaik-

kan harga ayam.

"Setakat ini, peniaga yang menaikkan harga barangan diberikan notis. Justeru, peniaga dinasihatkan supaya menjalankan urusan perniagaan secara amanah. Jika ingkar, mereka boleh dikenakan tindakan mengikut Akta Anti Pencatutan 2011 selain penalti," katanya.

Pemborong rayu jangan import ayam

Oleh MUHAMMAD ZIKRI
utusannews@mediamula.com.my

PONTIAN: Pemborong dan pembekal ayam meminta kerajaan tidak membawa masuk ayam import selain menetapkan harga siling di pihak mereka pada RM8.30 sekilogram berbanding RM8 bagi mengelak kerugian.

Keputusan membawa masuk ayam berisiko 'melenyapkan' pusat penyembelihan ayam kecil-kecilan terutama dimiliki bumiputera kerana tidak mampu bersaing dengan ayam import.

Pengarah Urusan NB Poultry Processing Industries Sdn. Bhd., Baharudin Ahmad berkata, harga siling dimohon kerana mengambil kira upah memproses ayam 60 sen seekor, pembungkusan sebelum dihantar kepada pelanggan 40 sen dan ayam siap diproses alami susut berat sekitar 350 gram bagi setiap ekor ayam dua kilogram.

Katanya, pihak berkuasa juga seperti terlepas pandang kos penghantaran kerana mereka perlu mengeluarkan perbelanjaan minyak dan upah pemandu dan pembantu pemandu.

Katanya, jika kerajaan mengambil perkiraan itu termasuk harga peruncit, rangka-



ORANG ramai mendakwa ayam kini dijual mahal hingga mencecah RM9.50 sekilo. - UTUSAN/IQBAL HAMDAN

ian yang terlibat termasuk pusat penyembelihan tidak akan terbeban dengan kos yang mereka perlu tanggung.

"Pemborong hanya minta perkiraan kos yang betul, kami bukan fikir untung semata-mata, tetapi cukuplah kos yang dikeluarkan dapat diserap semula," katanya ketika dihubungi di sini, semalam.

Baharuddin berkata demikian ketika diminta mengulas langkah Kementerian Pertanian dan Industri Makanan (MAFI) akan mengimport 200 hingga 300 kontena ayam sejuk beku bagi menstabilkan harga ayam.

Tambahnya, langkah yang diambil bukan jalan penyelesaian terbaik kerana isu utama seperti dedak ayam dan harga anak

ayam masih gagal ditangani kerana faktor itu yang mempengaruhi harga di pasaran.

Ujar beliau, tindakan membawa masuk ayam dari luar juga dikhuatiri akan menyebabkan banyak pusat penyembelihan berskala kecil terpaksa ditutup apabila peruncit mula beralih kepada ayam yang diimport.

"Keadaan ini biasanya akan

melibatkan pusat-pusat penyembelihan bumiputera kerana mereka tidak mampu bersaing untuk memasuki pasaran seperti di restoran makanan segera terkenal yang menggunakan ayam sebagai menu utama.

"Maka diharapkan Kementerian Perdagangan Dalam Negeri dan Hal Pengguna (KPDNHEP) dan MAFI dapat duduk semeja semula bagi membincangkan masalah harga ayam secara terbuka bersama pemain industri," jelasnya.

Sementara itu, Pengurus Azmi Fresh Chicken Sdn. Bhd, Mohd. Azmi Abdullah meminta kerajaan menubuhkan sebuah perbadanan bagi mengawal harga dedak yang kini dikawal oleh syarikat-syarikat besar.

Katanya, selagi isu dedak masih membelenggu penternak, maka isu kenaikan harga akan terus berlaku ditambah kenaikan kos-kos lain yang berkaitan industri tersebut.

Beliau juga menyarankan kerajaan menghentikan eksport ayam ke Singapura yang mana menawarkan harga belian ladang lebih menarik kepada penternak sehingga memberikan kesan kepada pengguna tempatan.

*Harga (RM/kg) Sumber: KPDNHEP